

# CSR GREENLAND

Ukiumoortumik nalunaarut 2025



CVR-nr. 32 45 85 80



# CSR GREENLAND 2024-2027

- Peqatigiilluta allannguisinnaavugut!

## TAKORLUUGAQ

CSR Greenland inooqatigiinnikkut, aningaasaqarnikkut avatangiiseqarnikkullu ataqatigiissaarfusumik Kalaallit Nunaanni piujuartitsinermik tunngaveqartumik ineriartortitsinermik peqataassaaq.

## SULINIUTAASOQ

- CSR Greenland inuussutissarsior-nikkut suleqatigiiffiuvoq nukittoq piginnaasaqarluartorlu inuiaqatigiinni akisussaqaataarnermik sammisaqartoq
- Inuussutissarsiutinik ingerlataqartunut pisortanullu siunnersiueqatigiittarfik.
- Inuiaqatigiinni tamarmi piujuartitsinissamik tunngaveqarluni iliuuseqarnissamik pilersitsissutaasumik iliuusissanut isumassarsisitsisarnermi ineriartortitsinermilu attaveqaat.
- CSR Greenland iliuusissanik siuarsaarpoq aammalu inuiaqatigiinni akisussaassusermik piujuartitsinermik paasinninnermik aallarsaasarpoq

## SULINIUTIT

### QAQISA

CSR Greenlandip inuusuttut amerlanerit ilinniagaqalertinnissaat angujumallugu sulinermi peqataausuppoq. Anguniakkat 1, 4, 10, 17

### Saligaatsoq

CSR Greenlandip pinngortitamik minguinnersumik pilersitseqataajumavoq. Anguniakkat 7, 11, 12, 13, 14, 17

### Suliniutit nutaat

CSR Greenlandip periusissiami atuunnerani suliniutit nutaat pilersaarusiorlugillu aallartisassavai



# INDHOLD

- |           |   |           |  |
|-----------|---|-----------|--|
| <b>4</b>  | <b>Pisortat nalunaarutaat 2025</b>                    | <b>18</b> | <b>2025-imi ingerlatat</b>   |
| <b>7</b>  | <b>QAQISA – 2026</b>                                  | <b>20</b> | <b>Siulersuisut atsiornerat</b>                                    |
| <b>9</b>  | <b>Saligaatsoq aammalu<br/>Nordic Coastal Cleanup</b> | <b>21</b> | <b>Kukkunersuiisup<br/>attuumassuteqanngitsup<br/>oqaaseqaataa</b> |
| <b>10</b> | <b>'Kalaallit Nunaat<br/>eqqagassaqanngitsuusaaq'</b> | <b>23</b> | <b>Inernera<br/>oqimaaqatigiissitsinerlu 2025</b>                  |
| <b>16</b> | <b>Pikkorissaanerit</b>                               | <b>25</b> | <b>Naatsorsueriaaseq<br/>atorneqartoq</b>                          |

## PEQATIGIIFFIK PILLUGU PAASISSUTISSAT

CSR Greenland  
Jens Kreutzmannip Aqq. 3  
Postboks 73  
3900 Nuuk

CVR-NR. 32 45 85 80

KOMMUNE ANGERLARSIMAFFIK Kommuneqarfik  
Sermersooq

GER NR. 32458580

OQA. +299 36 37 21

INTERNET [www.csr.gl](http://www.csr.gl)

EMAIL [csr@csr.gl](mailto:csr@csr.gl)

## SIULERSUISUT

Christian Keldsen SIULITTAASOQ  
Martin Kviesgaard SIULITTAASUP TULLIA  
Dora Drechsel  
Julia Pars  
Miki Brøns  
Inooraq Brandt  
Inga Dora Markussen  
Joanna Hutchins  
Johan Danielsen  
Aviåja Lyberth Lennert

## ALLATTOQARFIK

ALLATTOQARFIMMI  
PISORTAQ Ulla Lyngø  
SIUNNERSORTI  
AVATAANEERSOQ Anne Mette E. Christiansen

## 2025-MUT UKIUMOORTUMIK NALUNAARUSIAQ

KUKKUNERSUIISUT BDO Statsautoriseret  
Revisionspartnerselskab  
ASSIT CSR Greenland  
NUTSERISOQ CSR Greenland  
ILIOQQARNERA iCICERO  
NAQINNEQARFIA CSR Greenland

# PISORTSAT NALUNAARUTAAT

## *Peqatigiilluta allannguisinnaavugut!*

*CSR Greenlandip Kalaallit Nunaat piujuartitsinermik, inooqatigiinnikkut, aningaasaqarnikkut avatangiiseqarnikkullu ataqatigiissaarfusumik tunngaveqartumik ineriartortoq, peqataaffigissavaa.*

Piujuartitsineq suli ataatsimoorullugu sammeneqarpoq. Taamaattumillu CSR Greenland-ip sulinerani tunngavigineqarluni. Tamanna suliffeqarfiit ilaasortaasut suleqatigalugit, attaveqatigiinni peqataanikkut peqatigiiffiullu suleqataaffigisai kiisalu suliniutit CSR Greenland-imit aallartinneqartut aqutigalugit ingerlanneqartarpoq.

### Periusissiaq

CSR Greenland 2024-mi 2027 tikillugu atuuttussamik nutaamik periusissiorpoq. Piffissaq sukkaasumik ingerlavoq, 2025-mi ukiakkut periusissiaq uterfigineqarluni nalilersorneqarpoq, kiisalu periusissiap piffissaata sinnerani suliniutinik sorlernik peqatigiiffik ukkataqassanersoq aalajangersarneqarluni. Ukiuni marlunni tulliuuttuni suliniutit nutaat saqqummiunneqassapput. Peqatigiiffiup ilaasortai qilanaarutissaqarput.

### Suliassaqarfiit assigiinngitsut

CSR-mik – inuiaqatigiinni akisussaaqataaneq piujuartitsinerlu pillugit sulineq arlalinnik attuumassuteqarfinnik pileritsisarpoq. Assersuutigalugu piujuartitsineq pillugu taaguutinik ineriartortitsineq, siunissami sulisussat pillugit atuarfiit suliffeqarfillu akornanni ikaarsaartitsineq, piginnaasanik ineriartortitsineq kiisalu soqutigisaqatigiit peqatigalugit 'Kalaallit Nunaat eqqagassaqanngitsunnortinniarlugu' suliniuteqarneq. Taakku peqatigiiffiup CSR Greenland-ip suliniutaasa ilaannut ilaapput.

### Suleqatigiinnissamik isumaqatigiissut

Kommuneqarfik Sermersooq peqatigalugu suleqatigiinnissamik isumaqatigiissut 2025-mi ukiuni sisamani atuuttusannorlugi nutarterneqarpoq. Piffissami tassani avatangiisinut tunngasunik akisussaaffeqartumillu atuineq, ilinniaritaneq aammalu inuussutissarsiornermi ineriartortitsinermut suliniutit suleqatigiinnermi ingerlanneqassapput.

### 'Kalaallit Nunaat eqqagassaqanngitsunnortinniarlugu'

CSR Greenland-ip 2025-mi misissuineq 'Kalaallit Nunaat eqqagassaqanngitsunnortinniarlugu' naammassivaa. Misissuineri inuit 50-it missaat ilisimasaminnik avitseqatigiinnermikkut suleqataasimasut tamaasa qutsavigaagut. Nalunaarusiaq novembarimi 2025-mi ilaasortanut saqqummiunneqarpoq oqallisigineqarlunilu. Saqqummiinnermi ESANI, BOFA/Bornholm aammalu SORPA/Island-imeersoq misilittakkatik pillugit saqqummiussaqrput. Peqataasut naliinerat erseqqissuuvoq.

Kalaallit Nunaanni eqqakkat pillugit ajornartorsiut maannakkut atuuttoq, pisariusoq unammillernartorlu avatangiisinut, silap pissusaanut, najukkanni inuiaqatigiinnut aammalu kulturikkut kingornussatsinnut sunniuteqarsinnaavoq. Taamaattumik nalunaarusiami inassutigineqartut suliffeqarfiit suleqatigalugit ingerlateqqinneqarnissaat tamanit soqutigineqarpoq. Ataatsimiinnermi

peqataasut isumaqatigiissutigaaat CSR Greenland-ip suliniut 'Kalaallit Nunaat eqqagassaqanngitsunnortinniarlugu' ingerlateqqittariaqaraa.

Suliniutip tullia aallartinneqareerpoq, CSR Greenland-ilu 'Kalaallit Nunaat eqqagassaqanngitsunnortinniarlugu' suleqatiserinnilluni qaaqqusissaaq.

### QAQISA – 'Atuarfiup suliffeqarfillu akornanni ikaarsarneq'

Ilinniarsimaneq sulisinnaasut tunngavissaraat, siunissamilu suliffissanut attuumassuteqarnissamut pingaaruteqarlunnarluni. QAQISA taamaalliluni atuarfiit najukkamilu inuussutissarsiorlut akornanni ikaarsaarnermi tunngaviuvoq.

QAQISA ingerlanneqarpoq ineriartortinneqarlunilu. Anguniagaq pingaarneq tassaavoq meeqqat atuarfianni angajullerni atuartut meeqqat atuarfiat naammassereerlugu ilinniagaqarnissamut kajumissuseqalernissaat.

CSR Greenland-ip suliffissanik ilinniarfissanillu nittarsaassineq 'Siunissaqaasa' ineriartortillugulu misilittarlugu, atuartunut 9. aamma 10. kl.-tunut sammititaasoq ingerlappaa. Kommuneqarfik Sermersuumi atuarfinnik ingerlatsivik aammalu Nuuummi Sulisitsisut qanimut suleqatigalugit ineriartortinneqartumik.

Siunissaqaasap misilittaavigineqarnerani suna paasivarput? Misilittaanerup takutippaa aqqqissuussineq atuartut

skemaani inissinneqarnissaa aammalu atuartut apeqqutissaminnik piareersarsimallutik peqataanissaat pingaaruteqartoq.

Atuartut nittarsaassisullu akornanni suliffeqarfimmi sulineramik misiliinissamik periarfissat pillugit oqaloqatigiinernerit isumaqatigiissuteqarnerilluunniit ineriartortitsinermi pingaartinneqarputtaaq.

Siunissaqaasamik naliliinissaa pingaaruteqartuuvoq. Peqataasut naliliinerat tunngavigalugu pitsanngorsaanerit ingerlanneqarput. Atuartut ilinniaqaqarnissamut suliffissaqarnissamullu periarfissaminnik ilisimasaqarnerulersimapput. Nittarsaassisullu naliliippat suliaminnut imaluunniit ilinniarfimminut atuartunut soqutiginninneq pilersisimallugu.

CSR Greenland-ip QAQISA aqutigalugu siunissami sulisussat ukkataralugit inuusuttut suliffissaqarnissamut periarfissamik assigiinngitsunik soqutiginnilersinniarlugit suliniuteqarnini ingerlatiinnassavaa.

Aaqqissuussineq ILIK Buddy QAQISA-p iluani suliniutaavoq Tasiilami Nuummilu misilittarneqartoq. ILIK Buddy aqutigalugu atuartut ilinniarussinnaasartik naapertorlugu suliffeqarfimmut pulaarnissamut isumaqatigiissuteqarnissaat siunertaavoq. Pulaarnermi atuartut ilinniagaqarnissamut suliffissaqarnissamullu periarfissat pillugit paasisuttisinnegartarput.

## Attaveqaqatigiit

Ilisimasanik avitseqatigiinneq aammalu isumassarsianik pissarsineq amerlasuunut pingaaruteqarpoq. CSR Greenlandilu Åland, Finland, Norge, Sverige, Danmark, Savalimmiut Islandilu peqatigalugit Nordic Coastal Cleanup (NCC)-mi peqataavoq.

Hold Norge Rent-imi NCC allatseqarfeqarpoq, 2025-mi allatseqarfimmiit CSR Greenland kiisalu suliniut nunatta Kujataani ingerlanneqartoq pulaarneqarput.

NCC-p sinerissap qanittuani inoqarfinnilu avatangiisini saliinernik kiisalu ataatsimut suliniutinut aningaasanik pissarsiorneq ingerlatarivaa. Nunat avannaamioqatigiit siunnersuisoqatigii-visa ukiuni arlaqartuni NCC tapersersorlugu aningaasaliiffigisarpaat.

CSR Greenland-imi Saligaatsoq aammalu suliniutit soorlu ilitersuutinik ineriartortitsineq atuarfinillu immikut suliniuteqarneq ukiuni arlaqartuni pingaarnertut sammeneqarsimapput.

## Piginnaasanik ineriartortitsineq

CSR-mik piujuartitsinerlu pillugit sulineq piffissap ingerlanerani allanngoriartortarpoq – malittarisassat nutaat nalunaarusiornermilu piumasaaqatit nutaat pilersarlutik. 2025 tassunga tunngatilugu immikkuullarinngilaq. Nalunaarusiortarnermut najoqqutassat EU-mit sinaakkusersorneqartut 2025-p ingerlanerani unitsinneqarallarpot. Suliffeqar-



Christian Keldsen, *Sulittaasq*

fiit ilaannut nalorninermik pilersitsisumik. Kisiannili erseqqissumik oqaatigineqarsinnaasoq tassaavoq, piujuartitsineq pillugu sulineq unitsinneqanngilaq.

CSR Greenland-ip piujuartitsineramik sammivilimmik piginnaasanik ineriartortitsinermit suliaqarnera suli pingaaruteqartuuvoq. Suliffeqarfiit ilaasortasut ilaasortaannigisullu pikkorissarnernut tapersersuiuarnerat soqutiginninnerallu suliniutit pingaartinneraneramik ersersitsivoq. CSR Greenland tapersersuineq tamanna qujassutigaa.

CSR Greenland-ip suliaanik naatsumik saqqummiussereerluta, suliniutinut peqataasut, tapersersuisut nalilersuisullu tamaasa peqatigiiffiup sulinerani peqataanerannut qujassuteqarfigerusuppavut.

## QUJANAQ – suleqatigisanut aningaasaliisartunullu tamanut ukiumut suleqatigiiffiullartumut

CSR Greenlandimi ilaasortaanut tamanut nunatsinni nunattalu avataani suleqatigisatsinnut tamanut qujanarujussuaq.

GrønlandsBANKENip Inuusutissarsiornermut Aningaasaateqarfianut, Sulisitsisunut, Tips- & Lottomut, Kommuneqarfik Sermersuumut, Nuummi Sulisitsisunut, Arctic Importimut, Pisiffimmut, Kaargomut, Starkimut kiisalu suliffeqarfimmut 2025-mi suliniutitsinnut tunissuteqarsimasunut tamanut qujanaq. Tunniussasi suliniutitta piviusunnegortinneqarnerinut periarfissiippot.



# QAQISA

## – 'Atuarfiup suliffeqarfyllu akornanni ikaarsaarneq'

*Najukkami atuarfiup suliffeqarfyllu akornanni attaveqaqatigiinneq pingaaruteqartuuvoq, siunissami sulisussanut suliffisaqartitsineq ilinniagaqarnissamullu periarfissat pillugit suliniuteqarnermi ikaarsaarnissamut periarfissat tunngaviullutik.*

CSR Greenland 2015-imiit QAQISA-p tunngavigisaa pillugu suliaqarpoq, siunertaralugu atuarfinni atuartut angajullit meeqqat atuarfiat naammassereerlugu ilinniarfeqarfinnut ingerlaqqinnissaminnut kajumissaarneqar-nissaat.

QAQISA-mi suliniutit immikkoortut ineriartortinneqarnerat ingerlavoq.

2025-imi nittarsaassineq 'Siunissaqaasa' ineriartortinneqarnera ingerlanneqarpoq, 9. aamma 10. klassini atuartunut suliffissanik ilinniarfissanillu nittartaassineq sammineqarluni.

QAQISA ILIK Buddy aaqqissuussineq immikkoortut allat ineriartortinneqartut ilagaat. Kommuneqarfik Sermersooq suleqatigalugu isumaqatigiis-



suteqarnikkut Tasiilami Nuummilu atuarfimmi najugaqarfinni QAQISA ILIK Buddy-p misilinneqarnissaa isumaqatigiissutigineqarpoq. ILIK Buddy-mi atuartut ataasiakkaat siunissami ilinniagassaminik takorluugaat aallaavigineqartarpoq. Takorluugaat tunngavigalugu CSR Greenland-ip



MD BYG  
GRONLANDIAF  
Ingen opgave er  
for lille.  
Alt indefor.  
Temper og  
Murarbejde udføres

Deres Auto  
GrønlandsBANKE

GrønlandsBANKE

BANKNORDIK  
Tulluusimaarluta B  
tapersersorparput  
Steit sponsor for B-67

Nic's vvs  
+299 31 15 55  
info@nicvvs.com

Sensout-aps

- Peqatigiilluta allannguisinnaavugut!

inuusuttoq suliffeqarfimmut pulaarnissamut naleqqussarlugu aaqqissuussisarpoq. Pulaarnermi atuartooq suliffeqarfimmi pulaartuuvoq apeqqutinilu piareersarsimasaminik oqaloqati-giinnikkut akissuteqarfigineqarsinnaalluni.

Siunissaqaasa suliffissanik ilinniarfisaniillu nittarsaaffittut ineriartortinne-

qarnera naammassineqarsimavoq. CSR Greenland-ip Nuummi Sulisitsisut Kommuneqarfik Sermersoorlu peqatigalugit aaqqissuussineq ingerlaavartumik naleqqussarlugu ineriartortissimavaat.

Atuartut saqqummersitsisullu Siunissaqaasa-mi peqataasimanertik nalilersortarpaat. Nalilersuinerit pitsaasuup-

put, peqataasimanerullu iluaqutaanera peqataasunit iluarisimaarneqarpoq. Atuartut ilinniagaqarnissamut suliffissaqarnissamullu periarfissaminnik paasinninnerulersimapput. Saqqummersitsisut naliliipput suliaminnut suliffeqarfimminnut imaluunniit ilinniarfimminnut soqutiginninneq pilerissimallugu.



# Saligaatsoq aamma Nordic Coastal Cleanup

2010 aallarnerfigalugu CSR Greenland ukiumoortumik saliinermut Saligaatsumut, aaqqissuussinermi namminneq kajumissutsiminnik suleqataasut, sumiffinni suliffeqarfiit, kommuniq eqqaavissua allarpassuillu peqatigalugit aaqqissuueqataanermut peqataasarsimavoq. Ukiut ingerlaneranni Saligaatsoq suliniutitut ineriartortinneqarnerani inoqarfinni peqataasartut amerliartuinnartut namminneq ingerlatsisalersimapput, pinngortitamut eqqaannginnissamik akisussaaqataanermik tiguseqataallutik.

Inoqarfinni mikinerni, soorlu KNI/ Pilersuisup Royal Greenlandillu suleqatigiinneratigut aallartinneqartumik 'Nunaqarfiga kusanartoq'-mik taallugu suliniummumut, peqataasarpud.

Illoqarfinni kommunit eqqakkanik annertuunik katersuititsisarneranni, sanaartorfinni salisarnerni, minnerunngitsumillu inissiaatileqatigiiffiit najugaqarfinni najugallit suleqatigalugit saliititsisarneri takussaappud.

Inoqarfinni salisarnarit assigiinngiartut ingerlanneqartartut tamar-mik taagorneqartariaqaraluarput. Ataatsimoortumillu nalunaarsuisoqarneq ajormat inoqarfinni suliniuterpassuit ataasiakkaarlugit taagorumi-naappud.

CSR Greenland soqutigisaqqa-tigiit arlallit peqatigalugit suliniummumik aallarnisaataasumik 'Kalaallit Nunaat eqqagassa-qanngitsunngortinniarlugu aallartit-sivoq. Misissuiner-mi suleqatigiinneq piumassuseqarfiungartoq takuneqar-sinnaavoq, aammalu eqqakkat pillu-git suliniuteqarneq pissusissamisoor-tutut peqataasuniit isigineqartoq er-seqqilluni. Nalunaarusiami matumani 'Kalaallit Nunaat eqqagassa-qanngit-sunngortinniarlugu' pillugu allaase-risaaq alakkaruk.

## Attaveqatigiit Nordic Coastal Cleanup

CSR Greenland ukiuni arlalinni Nor-dic Coastal Cleanup-imi, Åland, Fin-land, Norge, Sverige, Danmark, Sava-limmiut Islandilu peqatigalugit peqa-taavoq.



Nunat taakkua tamarmik sinerissa-mi nunamilu eqqakkat ikilisarnissaat anguniarlugu misilittakkanik avit-se-qatigiittarput, suliniutitillu nunamin-nut naleqqussartarlugit.

2025-mi CSR Greenland Hold Nor-ge Rent-imit, NCC-mi peqataasumit tikeraarneqarpoq. Hold Norge Rent piffissap ilaani Arctic Cleanup-imi su-leqataavoq, suliniummumik pineqartumi nunatta kujataa peqataavoq.

# 'Kalaallit Nunaat eqqagassa-qanngitsunngortinniarlugu'

*CSR Greenland soqutigisaqaqatigiit pisortanit namminersortuniillu peqataaffigineqartut suleqatigalugit misissuinermit ingerlatsivoq. Suleqatigiit Kalaallit Nunaanni eqqakkanik suliaqarnermut maanna pissutsit misissuinerminni qulaajarlugit ingerlappaat aammalu eqqaavissuit annertussusaasa annikillisarnissaat, eqqakkanik immikkoortiterinerup pitsanngorsarnissaa kiisalu eqqakkanik ulorianartunik pitsaanerusumik passussinissamut periarfissat sammivaat.*

Kalaallit Nunaanni eqqakkat pillugit **ajornartorsiutit annertuut aammalu pisariusut** misissuinerup takutippaa. Aaqqissuussaanermi pissutsit avinngarusimasut soorlu inoqarfiit isorartuut, assartuinerup ajornaku-soornera aammalu silap sakkortusin-

naanera eqqakkanik aqutsinermi pitsanngorsaanissamut aporfiupput.


Peqatigisaannik ingerlaannaq aallartinneqarsinnaasunik **iliuuseqarnikut** soorlu paasissutissiineq, ilinniartitsineq, pitsaanerusumik immikkoor-

titerineq aammalu assartuinermit logistik-imik pitsanngorsaaneq aqutigalugit annertuunik pitsanngorsaanissamut periarfissaqartoq misissuinerup takutippaa. Piffissamut ungasinnerusumut isiginnineq, suleqatigiinnerit, piginnaasanik ineriartortitsineq

Royal Greenland (Nuummi umiarsualivik) 2025



- Peqatigiilluta allannguisinnaavugut!



Royal Arctic Line (Nuutoqaa) 2025

aammalu siusissukkut ersarissunik angusaqarnerit ukkataralugit suliniuteqarneq ataavartumik pitsanngorsaanissamut pingaaruteqartuussasut misissuinerup takutippaa.

Misissuinermi suleqataasut, eqqavisuarnik annikillisaaneq, eqqakkanik eqqortumik immikkoortiterinerup siuarsarnissaa, eqqakkanik ulorianartunik passussinerup pitsanngorsarnissaa aammalu nuna tamakkerlugu eqqakkanik suliaasaqarfimmi piginnaasanik ataavartunik pilersitsinissaq siunertaralugu suliniut annertunersoq aallartinneqassasoq inassutigaa. Suliniut tigussaasumik ingerlanneqartariaqarpoq, siusissukkut angusanik ersarissunik aammalu najukkani, pingaartumik nunaqarfinni, tulluusi-maarininnermik peqataatitsinermilu pilersitsisumik imaqartariaqartoq inassutigineqarpoq.

Suleqatigiit isumaqarput Kalaallit Nunaat avatangiisinut akisussaaffeqartumik eqqakkanik aqutsinermut

alloriarnernik pingaaruteqartunik tiguisinnaasoq – avatangiisinut, innuttaasut peqqissusaannut aammalu nunatta nunarsuarmi isigineqarneranut iluaqutaasumik.

**Inerniliineq** pingaarneq tassaavoq Kalaallit Nunaanni eqqakkat pillugit ajornartorsiut annertoq, pisariusoq aammalu anguniagaqarfusumik siviisumillu suliniuteqarfusariaqartoq. Infrastrukturip amigaatigineqarnera, assartuinermi aningaasartuutit qaffasissut, naammattumik immikkoortiterinnginneq, aqutsinermi siammarsimasumik malittarisassanik atuutsitsi- niarneq aammalu innuttaasuni inuus- sutissarsiutinilu ilisimasaqarnerup killeqarnera pitsanngorsaanissamut aporfupput.

Misissuinerup takutippaa inuusutisarsiorlut, Namminersorlutik Oqartussat kommunillu akornanni aaqqiisutissanik ujartuinermi peqataarususeq annertusoq. Suleqatigiinnerit, piginnaasanik ineriartortitsineq, eq-

qakkanut ulorianartunik immikkut suliniutit aammalu najukkami pisariaqartitanut naleqqussakkat infrastruktuurinik ineriartortitsineq aqutigalugit pitsanngorsaanissamut periarfissaqartoq misissuinerup takutippaa.

### **Suna paasivarput?**

Misissuinerup takutippaa siullermik pitsanngorsaatit anginerpaat makknatigut anguneqarsinnaasut:

- Innuttaasunut suliffeqarfinnullu paasisutissiineq ilisimasaqarneru- lersitsinerlu.
- Tamanut ilinniartitsineq piginnaasani- llu ineriartortitsineq.
- Eqqakkanik sumiiffimmi immik- koortiterinermi pitsanngorsaaneeq.
- Eqqakkanik aallertarnermi assartui- nermilu aqqissuussanik pitsaasunik ineriartortitsineq.

Anguniagaq tassaavoq ikuaallaavinni pioreersuni periarfissat pitsaanerpaam- ik atornerqarnissaat – tamannalu eqqakkat eqqortumik immikkoortiter-



Nunatta Katersugaasivia (Kuussuaq) 2025

- Peqatigiilluta allannguisinnaavugut!

neqarnissaat pisariaqarpoq, taamaatumik ikuallassinnaasut kisimik ikuallaavimmut apuunneqassallutik. Ul-luinnarni atorneqarsinnaasumik eq-qakkat pillugit ileqqunik ineriartortitsisoqassaaq, kingusinnerusukkat aaqqiissutissanut siuarsimanagerusunut soorlu kaaviiartumik aningaasaqarnermut ingerlaarnissamut tunngavis-siisumik.

### **Eqqakkanik immikkoortiteri-neq, eqqaavissuarnut inissiisar-nerup annikillissarnissaa aam-malu piginnaasanik ineriartortitsineq pillugit periusissat ataatsimut atorsinnaasut**

Anguniakkat pingaarnerit anguneqas-sappata makku periusissatut ataatsi-mut atorneqarsinnaasut inassutigine-qarput:

- *Eqqakkanik immikkoortiterineq:* Ataatsimoorussamik, atuisunut naleqqussakkamik immikkoortitere-riaatsinik ineriartortitsineq, paasis-sutissiinermik ilaqartinneqartoq. Ataatsimoorussamik immikkoorti-terinermi najoqqutassat, digitalimik aaqqiissutissat atoruminarnerusut aammalu assitalersukkanik qalipaa-tilinnik innuttaasut suliffeqarfiillu immikkoortiterinerannik oqilisaa-taasussanik.
- *Eqqaavissuarnik annikillisaaneq:* Aningaasaliineq nunaqarfinnut ino-qarfinnullu mikinernut ukioq kaajal-lallugu atorneqarsinnaasunik im-mikkoortiterivinnik nuukkuminar-tunik aallertarnerillu pisariitsut.
- *Piginnaasanik ineriartortitsineq:* Kommunini suliffeqarfinnilu sulisut ilinniartinneqarnissaa, innuttaasunut paasissutissiineq aammalu meeqqat atuarfiinut meeqqanullu atortussanik ineriartortitsineq, mee-raanermi aallartittumik eqqakkat pillugit ileqqut nutaat pilersinneqas-sammata.
- *Aningaasaqarnikkut kajumissaaru-tit:* Atortussanut aalajangersimasu-

nut utertitsisarnermik aaqqissuussi-nerit, eqqakkanik annikillisaanermik suliffeqarfinnut tapersiineq aamma-lu immikkoortiterinermut tunnga-sunik akiliuteqartitsinermi assigiin-gissitsinerit atuutinneqalernissaa-t siunnersuutaavoq.

- *Kalaallit Nunaanni eqqakkat pillu-git paasissutissanik katersuineq:* Paasissutissanik pitsaanerusunik aaqqissuussaasumillu katersuineq pilersaarusionermi nalunaarusion-nermilu iluaqutaassaaq, aammalu najukkami nunalu tamakkerlugu su-leqatigiinnermi ataqatigiissaariner-mik pilersitsissalluni. Inuussutissar-siortunut tamanna allannguinnissaa-mut piareersimassusermik aammalu avatangiisinut silallu allanngoriar-torneranut uppernaarsaatnik piuma-saqataasunut naammassinnissin-naanermik nukittorsaassaaq.

### **Ukkatarineqartoq: Eqqakkat ulorianartut**

Eqqakkat ulorianartut aammalu aal-lertarnermi logistik suliniummi pi-ngaarnerpaatut ukkatarineqartaria-qarput:

- Eqqakkat ulorianartut: Nuna tamak-kerlugu iliuusissatut pilersaarusion-req, katersuivinnik aalajangersima-sunik nuukkuminartunillu pilersit-sineq, ilitersuutininik atoruminarne-rusunik ineriartortitsineq aammalu eqqunngitsumik passussinerup peq-qissutsimut avatangiisinullu kingu-nerisinnaasai erseqqissarneqarnis-saat ukkatarineqassaaq.
- Aallertarnermi logistik: Kalaallit Nu-naata nunataani pissutsit naapertor-lugit aaqqissuussinerit naleqqussar-lugit, nuukkuminartunik aaqqiissu-tissanik, assartuinerimut isumaqati-giissutinik allanngorartunik aamma-lu ukiup qanoq ilinera tunngavigalu-gu logistikimik pilersaarusionerq pisariaqarpoq.

### **Ukkatarineqartoq: Ersarissumik angusanik siusissukkat pilersit-sineq**

Suliniutip periusissiaani pingaarute-qartuuvoq siusissukkat ersarissunik, peqataatitsisumik tatiginnilersitsisu-millu angusaqarnerit. Assersuutit:

- Sanaartorfinni anorersuarnut eqqak-kat siaruatsaaliornissaaq pinaveer-saartitsisunillu eqqakkanut katersui-vinnik pilersitsineq.
- Pisiniarfinni, atuarfinni pisortallu suliffeqarfiini ilisarnartunik assita-lersukkanik immikkoortiterinermut ilitersuutininik atuutilersitsineq.
- Eqqakkanut elektroniskiusunut ka-tersinermut containerinik aalaja-ngersimasunik imaluunniit nuukku-minartunik aaqqissuussinermik pi-lersitsineq.
- Batterinik eqqakkanullu ulorianar-tunut eqqortumik immikkoortiteri-nermut paasissutissiineq inoqarf-ini mikinermi, katersuiffissanik ake-qanngitsunik agguassineq ilanngul-lugu.
- Pisiniarfiit soorlu Pilersuisoq nuna-qarfinni "eqqakkanut aallartitaasu-tut" peqataatinneqarnissaaq, kiisalu illoqarfinni inuussutissarsiutinut tunngasunik suleqatigiinnerit ersa-rissumik takutitsisut. Suliniutip paa-sissutissanik kisitsisitalinnik tun-ngaveqartuussasut inassutigineqar-poq.

### **Avannaamioqatigiit suleqatigiin-nerannut periarfissat**

Avannaamioqatigiit akornanni sule-qatigiinnerup nukittorsarneqarnis-saa iluaqutaasinnaasoq misissuinerup takutipkaa. Islandimi, Savalimmiuni, Canadami aammalu Norgemi immik-koortuni inoqarfiusuni isorartuuni misilittakkat takutippaat:

- Najukkami aaqqiissutissat tunngavi-lerneqartut.
- Pisortat namminersortullu akornan-ni qanittumik suleqatigiinneq.
- Paasissutissiineq, iliuusinik allan-

nguineq aammalu inuiaqatigiinni peqataatsineq.

- Nuukkuminartunik allanngorartunillu teknologiimik atuisarneq.

Avannaamioqatigiit akornanni attaveqatigiinnermut ineriartortitsiner-

mullu pilersaarutitut peqataassasoq suliniummi pingaernerit ilaattut inasutigineqarpoq, suleqatigiinnernik misilittakkanillu avitseqatigiinnermik kiisalu teknikkikkut tapersorsorneqarnermik ukkatarinnilluni suleqatigiifiusumik. Kalaallit Nunaat tigussaasu-

nik aaqqiissutissanik ilisimasanik aammalu eqqakkanik suliassaqarfiup annertunerusumik piujuartitsisumik allanngoriartornermut ilaasutut ineriartortinneqarnissaanut isumassarsianik iluaqutigisinnaavai.

## Unammillernartut

- Ilisimasakinneq eqqumaffiginninngippallaanerlu.
- Eqqakkat ulorianartut avatangiisinut peqqisutsimullu navianaateqarsinnaasut eqqortumik isumagineqanngillat.
- Eqqagassanngortitsinerimi immikkoortiterisarerup annekinnera.
- Sumiiffiit imminnut ungasittut, inoqarfiit siammaseqisut angallannerlu ajornakusoortoq.
- Inatsisit nuna tamakkerlugu assigiimmik maleruarneqarnissaat amigaataavoq.
- Eqqakkanik immikkoortiterineq akisusinnaavoq aningaasatigullu kajumersaasersuineq atu-gaarpiarnani.
- Nunaqarfinni attaveqaatit amigaataanerat.

## Periarfissat

- Eqqakkat ulorianartut pillugit iliuuseqapallanneq malunnaatilimmik pitsanngorsaataassaaq.
- Paasissutissat paasiuminartut, sumiiffimmi eqqakkanik katersuinerimi, eqqakkat anorersuar-mut illersugaasut.
- Namminersorlutik Oqartussat, kommunit, inuussutissarsiortut innuttaasullu akornanni suleqatigiinneq.
- Suliassaqarfiit akimorlugit piginnaanngorsaa-neq paasisitsiniaanerlu.
- Aningaasatigut kajumissaarinerit utertinermilu pissarsiassat ineriartortinneqarneri.
- Nunani avannarlerni issittumilu inuiaqatigiin-nut mikisunut isumassarsiorneq suleqataaner-lu.

## Misissuineq oktobari 2024-mi aallartippoq novembari 2025 tungaanut ingerlanneqarpoq.

Inatsisit atuuttut tunngavigalugit allattukkanik misissuineq, soqutigisaqartut peqataatinneqarlutik paasissutissanik kater-suineq kiisalu nalunaarusiaq 'Kalaallit Nunaat eqqagassaqaqqangitsunnngortinniarlugu' suliarineqarpoq. Inuit 50-t missaat peqataapput. 'Kalaallit Nunaat eqqagassaqaqqangitsunnngortinniarlugu' ➡ [www.csr.gl](http://www.csr.gl)

### Innerniliinerit pingaarnerit

- Eqqakkat ulorianartut pingaarnerpaatinneqar-tariaqarput.
- Eqqakkat pillugit unammillernartut assigiin-ngitsorpasuit pitsanngorsaaffigineqarsinnaa-sut.
- Aaqqiissutissat paasiuminartut, najukkami ato-riaannaasut atornerisigut teknologii nutaaliaa-soq atornagu angusaqarluarneruneq.
- Suleqatigiinnikkut najukkamilu innuttaasut pe-qataanerat ataavartumik angusaqarnissamut aalajangiisuupput.
- Siusissukkut angusaqarluarnerup malunnaati-limillu ineriartornerup pimoorussinissamut kajumissaataassapput.

### Inassuteqaatit

- Suliniummik ukiuni pingasuniit tallimanut sammineqartumi makku sammineqassapput:
  - o Eqqaavissuit ikilisinneqarlutillu immik-koortiterineq pitsaanerusoq.
  - o Innuttaasut suliffeqarfillu piginnaanngor-sarlugit paasissutissiisarnerlu.
  - o Eqqakkat ulorianartut isumannaatsumik suliarineqartarnissaat qulakkeerniarlugu najoqqutassianik katersuiffinnillu pilersitsi-neq.
  - o Kalaallit Nunaanni pissutsinut naleqquttu-mik assartuineq.
  - o Inuiaqatigiinni susassaqaqatigiillu suleqati-ginneq.
- 'Tneriartorteriaannaat' pingaarnerutillugit:
  - o Sanaartorfinni anoreruarnut isumaallisaa-nerit.
  - o Paasissutissanik paasiuminartunik immik-koortiterinermi atugassanik pigisaqarneq.
  - o Elektronikkini atortunik batteriinullu ka-tersuviit pisariitsut.
- Nunat avannarliit suleqatiginerini misilittak-kanik avitseqatigiinneq teknikkikkullu paasis-sutissanik paarlaasseqatigiinneq atorneqarli.

#### TAPERSERSUISUT

GrønlandsBANKEN-ip

Inuussutissarsiornermut Aningaasaateqarfia

Tips- og Lotto

Nuuk Lokaludvalg

CSR Greenland

# Piginnaasanik ineriartortitsineq

CSR Greenland-ip suliffeqarfiit peqatigiiffiillu qanoq ilillutik piujuartitsineq pillugu suliniuteqarnerminni, nalunaarusioriaatsit allallu piujuartitsinermik suliaqarnermi suleriaatsinut tunngassuteqartunik piginnaanngorsaanermik neqerooruteqartarpoq.

2025-mi CSR Greenland uku neqeroorutigisimavai:

- ESG Mini MBA
- ESG Sisimiut
- Ualikkut naapinneq (maajip 8-ani)
- Masterclass
- Webinaari (oktoberip 13-iat, aamma decembarip 11-at)

Pikkorissaanerit, naapisitsinerit internetikkullu isumasioqatiginne-rit peqataaffigineqarluartarput. Peqataasut tamarmik suliffigisaminni piujuartitsinermik suliaqarnermut nalunaarusiornermullu peqataanissaminnut imaluunniit peqataaniarlutik pikkorissarnerni peqataasarput.

*Pikkorissartut 2025*





ESG-mik pikkorissarnerit paasisassarsiorluni angalaqatigiinnermik nagga-serneqartarput ukiullu siuliini pikkorissaqataasimasut paasisassarsiorlutik angalanermi aamma peqataasinnaasarpur. Angalaqatigiinnermi peqataasut inuit 15-20-t akornanniittut peqataasarpur, suliffeqarfiit tikeraarfimmi naapinneqartarput pikkorissarnerullu immikkoortua kingulleq naammasineqartarpoq.

Aamma peqataasut arlallit qaammatit tamaasa attaveqatigiinni naapeqatigiittarput, puijuartitsineq pillugu sammisat, nalunaarusiornermi periut-sit annikitsuallu allat naapinnermi oqallisigineqartarlutik. Sammisat aalajangersimasut pillugit aamma saq-qummiinnaasunik attaveqatigiinni saqqummiisoqartarpoq.

CSR Greenlandip allattoqarfia 2025-mi CBS-ip aasaanerani Ilinniarfiani peqataavoq, tassanilu ulluni tallimani ESG aamma puijuartitsineq sammeneqarput. Atuarneq soqutiginarlunilu pissarsiaqarfiulluatoq peqataaffigineqarpoq.

Paasisassarsiorlutik angalaqatigiit 2025



# 2025-IMI INGERLATAT

## SULEQATIGISAT

- Kommuneqarfik Sermersooq
- Kommune Kujalleq
- Qeqqata Kommunia

## Suliniutit



2019-2025

2025

QAQISA pillugu tapersuulluni atuartut suliffeqarfiillu akornanni suleqatigiinnermi sumiiffinni ikorfartuineq neqeroorutaavoq. Siunissaqaasa aqputigalugu nittarsaassinermik aqqissuisarneq ingerlavoq QAQISA ataani ILIK Buddy misilerarlugu ingerlanneqarpoq, atuartup siunissami ilinniagassatut suliffissatut takorluugaa aallaavigalugu sumiiffinni atuartuq suliffeqarfimmik naapitsineranik aqqissuussisoqartarluni.



2010

2025

2024

CSR Greenland 2010-miilli ukiumoortumik saliinermut Saligaatsumi, kajumissut-siminnik sulisut, najukkami suliffeqarfiit, kommunip eqqaavissua allarpassuillu peqataaffigisartagaani peqataasarpoq. Saligaatsumik ingerlatsisarneq ukiut ingerlaneranni allanngoriartorpoq, inuit amerliartuinnartut pinngortitami eqqakkanik annikinnerpaatitsinissamik suleqataajumanerat pequtaalluni. Inoqarfinni mikinerni innuttaasut suliniummi 'Nunaqarfiga kusanartoq'-mi KNI/Pilersuisumik Royal Greenland-illu pilersinneqartumi peqataasarput. Illoqarfinni kommunit eqqagassanik annertuunik katersuitsisarneq, sanaartorfinni saliitsisarneq, minnerunngitsumillu inissiaatileqatigiiffiit najugaqarfinni najugallit peqatiserlgit saliitsisarneq takussaaleralluttuinnarput. CSR Greenlandip Saligaatsumi suliassaa ukiuni kingullerni Nuummi Saligaatsup pilersaarusiorneqarneranut tunngalersimavoq.

Attaveqatigiinnut NCC aamma Ocean Conservancy-mut video marluk

Tusagassiorfiit  
Sumiiffinni FB gruppit aqputigalugit nittarsaassineq  
Sermitsiaq/AG-mi ussasaarineq  
NCC-ip nittartagaani allaaserisaq  
CSR Greenland pillugu 'Ren natur', Danmark-mi allaaserisaq

Tusagassiorfiit  
Sumiiffinni FB gruppit aqputigalugit nittarsaassineq  
Sermitsiaq/AG-mi allaaserisaq ussasaarinerlu kiisalu Avatangiisit aammalu piujuartitsineq pillugu aviisi.  
NCC-ip nittartagaani allaaserisaq



Ataatsimeersuarneq, pisortanik naapeqateqarneq, isumasioqatigiissitsinerit il.il.

2025

2024

Ataatsimeersuarneq, 28. Marts 2025

Ataatsimeersuarneq, 15. Marts 2024


CSR-imi siulersuisut ataatsimiinneri (ukiumut sisamat)

CSR-imi siulersuisut ataatsimiinneri (ukiumut sisamat)



**Ilaasortanut attaveqaqatigiinnik/  
ullaakkut kiisalu ualikkut ataatsimiinerit/  
soqutigisaqqaqatigiinnik naapisitsinerit**

2025	2024
Ualikkut naapinnerit, webinarillu: 8. maj Omnibus pillugu 13. okt. CER pillugu 11. dec. Silaannaap allanngoriartorne- rata kingunerisaanik sillimmartaarfissat	Ualikkut naapinnerit: 22. august: Aningaasaliisartut piujuar- titsinermut siuarsaasartut
CSR Greenland pillugu saqqummiine- rit 8-t	CSR Greenland pillugu saqqummiine- rit 14-t
Isumasioqatigiinnerit/ataatsimeersuar- nerit (allat aqqisugaat) 9-t	Isumasioqatigiinnerit/ataatsimeersuar- nerit (allat aqqisugaat) 7-t



**Pikkorissaanerit**

2025	2024
ESG mini MBS ilinniarneq angalaqati- giinnerlu	SDG ilinniarneq angalaqatigiinnerlu
ESG Sisimiut	SDG Masterclass, Reykjavik
Masterclass	Piujuartitsineq pillugu saqqummiussi- sarneq
	CSRD



**Allattariarsorluni paasisutissiineq**

2025	2024
Nutaarsiassat 5-t pisartagalinnut 239- nut tusagassiorfiit ilanngullugit	Nutaarsiassat 11 pisartagalinnut 239- nut tusagassiorfiit ilanngullugit



**Allaaserisat/allaaserineqarneq/  
ussassaarineq tusagassiutini allani**

2025	2024
Sermitsiaq ilinniarneq pillugu saqqum- mersitaa QAQISA pillugu ussassaarut saqqum- mersitap saqqaani aalajangersimasoq Sermitsiaq.ag nittartagaani: QAQISA pillugu ussassaarutit sisamat	Sermitsiap saqqummersitaa: Ilinniarneq QAQISA pillugu ussassaarut saqqum- mersitap saqqaani aalajangersimasoq
	Sermitsiap saqqummersitaa: Avatangii- sit piujuartitsinerlu



**KNR Radio aamma TV  
– Ilanngutassiat apersuinerillu:**

2025	2024
KNR-kkut saqqummersitat marluk Sali- gaatsoq aammalu ESG pillugu	KNR-kut CSR Greenland pillugu aalla- kaatitassiaq 45 min. sivirususilik

# SIULERSUISUT ATSIORNERAT

Ullumikkut CSR Greenland-ip ukiumut naatsorsuusiorfiusumut 1. januar-miit 31. december-imut 2025-imut nalunaarutaa naatsorsuutaalu saqqummiuppagut.

Ukiuumut nalunaarut ukiumut naatsorsuusiornissamut inatsisini naapertorlugi saqqummiunneqarpoq.

Isumaqarpugut naatsorsuusiaaseq naapertuulluartoq atorpeqarsimasoq, isumaqarpugullu ukiumut nalunaarutip peqatigiiffiup pigisai akiitsuilu, aningaasaqarnikkut inissisimane-ra angusarisaa 31. december 2025 aallaavigalugu kiisalu ukioq naatsorsuusiorfiusoq 1. januar-miit 31. december-imut 2025-mut eqqortumik saqqummiunneqartut.

Pisortat nalunaarutaat suliniutigineqartut pillugit naapertuuttoq taamatuttaaq isumaqarfigaarput.

Ukiuumoortumik nalunaarusiaq ataatsimeersuarnermi akuerineqarnissaa inassutigaarput.

Nuuk, ulloq 27. februar 2026

*Siulersuisut elektronisk-mik ukiumoortumik nalunaarusiaq akueralugu atsiornikuuaat.*

## **Direktioni:**

Ulla Lyngé  
*Allattoqarfimmi pisortaq*

## **Siulersuisut:**

Christian Michael Keldsen  
*Siulittaasoq*

Martin Birkmose Kviesgaard  
*Siulittaasup tullia*

Inooraq Brandt

Dora Agnes Drechsel

Miki Jonas Brøns

Julia Jensigne Pars

Joanna Kelly Hutchins

Inga Dora Markussen

Johan Rasmus Kasper Danielsen

Aviâja Lyberth Lennert

# KUKKUNERSIUISUP ATTUUMASSU-SEQANNGITSUP OQAASEQAATAA

## CSR Greenland siulersuisuinit

### Inerniliussaq

CSR Greenland ukiumi naatsorsuif-fimmi 01.01.2025 - 31.12.2025-imi, ukiumut naatsorsuutai angusat nalunaarsorneqarnerannik, oqimaaqatigiissitsinermik, aningaasat kaaviaartut nalunaarsorneqarnerannik aamma ilanngussanik imalik, taakkununga ilanngullugu naatsorsuuserinermi periuseq atorpeqartoq ilanngullugit kukkunerisiorparput. Ukiumut nalunaarut suliarineqarpoq ukiumut naatsorsuuseriorarneq pillugu inatsisit naapertorlugit.

Uagut paasinnittaaserput naapertorlugu ukiumut naatsorsuutit, peqatigiiffiup pigisaanik, akiitsuinik 31.12.2025 imilu aningaasarsiornikkut killiffianik kiisalu peqatigiiffiup ukiumi naatsorsuuseriffimmi 01.01.2025 - 31.12.2025 ingerlatsinermi angusaanik aningaasaataasalu nikerarnerisa nasuiaataanik ukiumut naatsorsuuseriorarneq pillugu inatsisit naapertorlugit eqqortumik ingerlatsisoqarsimavoq.

### Inerniliussamut tunngavilersuut

Kukkunersuineq ingerlapparput kukkunerisuiineq pillugu nunani tamalaani periuserineqartartut naapertorlugit, aamma piunasaqaatit allat taamaallaat Kalaallit Nunaanni atuuttut ilanngullugit. Uagut periutsinik piunasaqaatinillu taakkuninnga malinnissatsinnut akisussaaffik kukkunerisuiusut uppernarsaaneranni immikkoortumi "Kukkunersuiusut ukiumut naatsorsuutitik kukkunerisuierner-mut akisussaaffiat" allaaserineqarpoq.

Ingerlatsivimmut tunngatillugu uagut kiffaanngissuseqarput kukkunerisuiusut ileqqorissaarnissaannut nunani tamalaani malittarisassat naapertorlugit International Ethics Standards Board for Accountants (IESBA-p Ileqqorissaarnissamut malittarisassai) aamma piunasaqaatit Kalaallit Nunaanni atuuttut naapertorlugit, soorlu malittarisassanut piunasaqaatinullu tunngatillugu ileqqorissaarnissamut piunasaqaatit allat aamma IESBA ileqqorissaarnissamut malittarisassai naam-massigivut. Uagut paasinnittaaserput naapertorlugu, kukkunerisuiusut up-pernarsaatissaq naammappoq aamma uagut inerniliussatsinnut tunngavissatut naleqqulluni.

### Ukiumut nalunaarut pillugu siulersuisut akisussaaffiat

Siulersuisut akisussaaffigaat, ukiu-moortumik naatsorsuuserinermi inatsisit naapertorlugit, ukiumut nalunaarut eqqortumik takutitsisoq suliaris-sallugu. Taamatuttaaq siulersuisut suliffeqarfiup iluani nakkutilliinissaq akisussaaffigaat, siulersuisut ukiu-moortumik nalunaarummik kukkuner-nik malunnaatilinnik - tamanna unneqqaserlunnikkut kukkunikkul-luunniit pisimagaluarpat – paasissu-tissiiinginnissaat anguniarlugu pisa-riaqartutut naliligaat naapertorlugu.

Ukiumut naatsorsuutitik suliaqarnermi aqutsisut akisussaaffigaat, peqati-giiffiup ingerlaannarnissaannut pisin-naasaanik naliliissallutik, aamma ingerlatsiinnarnissamut pissutsinik paasissutissiissallutik, tamassuma pi-sariaqarfiatigut, kiisalu ukiumut naat-sorsuutitik suliaqassallutik ingerlat-

siinnarnissaq siunertaralugu naatsor-suuserinermi periuseq naapertorlugu, siulersuisut suliffeqarfiup taamaatin-neqarnissaannik, ingerlatsinermi unit-sinneqarnissaanik imaluunniit piviu-sorsior-tumik allatut iliorsinnaanngin-nermik aalajangiussaqaarsimatinnagit.

### Kukkunersuiusut ukiumut naatsorsuutitik kukkuner-suierner-mut akisussaaffiat

Uagut anguniagaraarput isumannaal-lisaanermik qaffasissumik pilersitsis-salluta, ukiumut naatsorsuutit tamak-kiisumik kukkusumik paasissutissiin-ginnissaat pillugu, tamanna peqqu-serluttuliornermik kukkuner-milluun-niit pisimagaluarpat, aamma kukku-nersuiusut uppernarsaammik inerni-liussamik imalimmik tunniussissal-luta. Isumannaallisaaneq qaffasissuq tassaavoq isumannaallisaaneq pit-saalluinnartoq, taannali qularnaveeq-qutaanngilaq kukkunerisuierner-mut nunani tamalaani periutsit aamma Kalaallit Nunaannut piunasaqaatit immikkut atuuttut naapertorlugit, kukkunerisuiunerup ingerlanneqartup tamatigut kukkunernik malunnaati-linnik qulaajaanissaanut, taamaattut piusimassappata. Kukkunerit malun-naatillit peqquserluttoqarnera ima-luunniit kukkusoqarnera tunngaviga-lugit pisinnaapput, aamma malunnaa-tilittut isigineqarsinnaapput tupigu-suutissaanngitsumik naatsorsuutigi-neqarsinnaappata, ataasiakkaarlutik imaluunniit ataatsimoorlutik aningaa-saqarneq pillugu aalajangiussanut sunniuteqar-pata, naatsorsuutitik atui-sut ukiumut naatsorsuutit tunngaviga-lugit aalajangigarimmatigik.

Kukkunersiuinermit atatillugu, kukkunersiuineq nunani tamalaani periutsit atorneqartut aamma Kalaallit Nunaannut piumasaqaatit immikkut atuuttut naapertorlugit ingerlanneqartumi, uagut kukkunersiuinerup nalaa-ni suliassaqarfitsinnut tunngatillugu naliliinernik ingerlatsissaagut aamma uagut suliassaqarfitsinnik ingerlatsinitsinni qularneq atugarissavarput. Taakkununnga ilanngullugit:

- Ukiumut naatsorsuutini pingaarutilinnik kukkusunik paasissutissis-saqarsimaneranik paasiniaaneq aamma naliliineq, taakkua peqquserluttuliornikkut imaluunniit kukkuluttornikkut pisimagaluarpataluunniit, aarlerinaatit qisuariarfigalugit kukkunersiuusutut iliuusissanik periusissiorneq aamma ingerlatsineq, kiisalu kukkunersiuusutut uppernarsaatinik pissarsineq uagut inerniliussassatsinnut tunngavissatut naammattutut aamma naleqqututullu isigisatsinnik. Peqquserlunerit tunngavigalugit kukkunernik pingaarutilinnik paasisaqanngitsoorsinnaanermut aarlerinaat kukkunernik pingaarutilinnik kukkunivinnik pissuteqartunit qaffasinneruvoq, peqquserluttuliornerit peqatigiinniapilunnikkut, peqquserlulluni allagaasiornikkut, piaaraluni ilanngussinngitsoornikkut imaluunniit nammineq nakkutilliinermik atuut-sitsinngitsoornikkut pisarmata.
- Nammineq nakkutilliinermik kukkunersiuinermit pingaaruteqartumik paasinnissaagut uagut kukkunersiuusutut iliuuserisassagut ilusilerumallugit, taakkua pissutsinut naleqquttuussapput kisianni peqatigiiffiup nammineq nakkutilliinerata pitsaassusianut naliliinertut paasineqassanngilaq.
- Isummerfigissavarput, naatsorsuuserinermik periuseq aqutsisunit atorneqartoq naleqquttuunersoq, kiisalu naatsorsuuserinermi naliliinernerit aamma paasissutissat taakkununnga tunngasut aqutsisunit suliareqarsimasut tulluartaunersut.

- Inerniliissaagutta, ingerlatsiinnar-nissaq siunertaralugu naatsorsuuserinermi periuseq atorlugu siulersuisut ukiumut naatsorsuutitut suliaat naleqquttuusut, kiisalu kukkunersiuusutut uppernarsaatissatut pissarsiarineqartoq tunngavigalugu, pisut imaluunniit pissutsit anner-tuumik qulalersitsisinnaanersut, peqatigiiffiup ingerlatsinerata n-anginneqarsinnaaneranut. Inerni-liigutta annertuumik qularnartoqartoq, uagut kukkunersiuusutut uppernarsaanitsinni tamanna malugeqqussavarput ukiumut naatsorsuutini paasissutissinikkut imaluunniit, paasissutissat taakkua naammaginangippata uagut inerniliussarput allangortissavarput. Uagut inerniliussarput kukkunersiuusutut uppernarsaanermik tunngaveqarpoq, taanna uagut kukkunersiuusutut uppernarsaanitta ullua tikillugu atuuttoq. Taamaattoq siunissami pisut imaluunniit pissutsit nassataannik, peqatigiiffik ingerlatsinerminik nangitsissinnaanngilaq.
- Ukiumut naatsorsuutininik saqqummiussineq tamakkiisoq, ilusilerneqarnera aamma imarisai naliliiffigissavagut, taakkununnga ilanngullugit ilanngussatut paasissutissat, kiisalu ukiumut naatsorsuutini aningaasanik nuussinerit aamma ima iluseqartumik pisutsinik eqqortunik saqqummiussat.

Aqutsisut qullersaasut attaveqarfigissavagut ilaatigut kukkunersiuinerup pilersaarutigineqartup annertusasia aamma qaqugukkut pinissaanut tunngatillugu, kiisalu kukkunersiuusutut isiginiakkat pingaarutilit pillugit, tassunga ilanngullugit uagut kukkunersiuusutinni nammineq nakkutilliinermi amigaataasinnaasut malunnaatillit pillugit.

## Aqutsisut nalunaarutaat pillugu oqaaseqaat

Siulersuisut aqutsisut nalunaarutaannut akisussaapput.

Ukiumut naatsorsuutit pillugit uagut inerniliussarput aqutsisut nalunaarutaannut tunngassuteqanngilaq, aamma aqutsisut nalunaarutaat pillugu uagut inerniliussamik saqqummiussineq ajorpugut.

Ukiumut naatsorsuutininik kukkunersiuusutinnut atatillugu, uagut akisussaaffigaarput aqutsisut nalunaarutaannik atuassalluta tassungalu tunngatillugu eqqarsaatersuutigalugu, aqutsisut nalunaarutaat ukiumut naatsorsuutinit imaluunniit uagut kukkunersiuusutinnit ilisimalersimasatsin-nit malunnaatilmik ataqatigiinngisuteqarnerisat allatulluunniit kukkunernik pingaarutilinnik imaqarsori-narnerisat.

Taamatuttaaq uagut akisussaaffigaarput eqqarsaatersuutigissallugu, aqutsisut nalunaarutaat ukiumoortumik naatsorsuuserinermi inatsisit naapertorlugit paasissutissanik piumasaqaataasunik imaqarnerisat.

Kukkunersiuinermit ingerlatsinerput tunngavigalugu uagut nalilerparput aqutsisut nalunaarutaat ukiumut naatsorsuutinnut naapertuuttoq aammalu ukiumoortumik naatsorsuuserinermi inatsisit piumasaqaataasut naapertorlugit ingerlanneqartut. Aqutsisut nalunaarutaanni kukkunernik pingaarutilinnik naammattuugaqanngilagut.

Nuuk, ulloq 27. februar 2026

BDO Statsautoriseret  
Revisionspartnerselskab  
CVR nr. 45 71 93 75

Trine Tofting Hvidkjær  
Statsautoriseret revisor  
MNE-nr. mne48591

# INERNERA

## OQIMAAQATIGIISSITSINERLU 2025

BDO peqatigiiffiup kukkumersiuusuatut matumuuna peqatigiiffiup ataatsimoortumik ukiumoortumut nalunaarusiaanut kukkumersiuusimavoq erseqqissaatigineqassaarlu angusat inerneru kiisalu oqimaaqatigiissitsinerit naqitami matumani eqikkakatut saqqummiunneqarmata.

### 2025-ip inerneru

	2025 Kr.	2024 Kr.
<b>KAUVIAARTITAT ILANNGAATIGIREERLUGIT</b>	2.014.269	1.817.325
Avammut aningaasartuutit allat	-750.683	-483.652
<b>AKILERAANNGINNERMI ANGUSAT</b>	<b>1.263.586</b>	<b>1.333.673</b>
Sulisunut aningaasartuutit	-854.937	-861.964
<b>INGERLATSINERMI ANGUSAT</b>	<b>408.649</b>	<b>471.709</b>
Aningaasarsionnikkut isertitat	4.566	34.897
<b>UKIUMI ANGUSAT</b>	<b>413.215</b>	<b>506.606</b>
<b>ANGUSAT pillugit siunnersuut</b>		
Angusat nuunneqartut	413.215	506.606
<b>Katillugit</b>	<b>413.215</b>	<b>506.606</b>

# INERNERA OQIMAAQATIGIISSITSINERLU 2025 - nangillugu

Oqimaaqatigiissitsineq pr. 31.12.2025

<b>PIGISAT NALILLIT</b>	<b>2025</b> Kr.	<b>2024</b> Kr.
Tunisanit kiffartuussinernillu pissat	0	13.254
Pissat allat	55.000	36.000
<b>Pissat</b>	<b>55.000</b>	<b>49.254</b>
Aningaasat atoriaannaat	2.594.646	2.270.566
<b>Ullumikkut pisuussutit</b>	<b>2.649.646</b>	<b>2.319.820</b>
<b>PIGISAT NALILLIT</b>	<b>2.649.646</b>	<b>2.319.820</b>

<b>AKIITSUT</b>	<b>2025</b> Kr.	<b>2024</b> Kr.
Pissat allat	20.000	20.000
Aningaasat uninngasuutigineqartut	2.373.304	1.960.089
<b>NAMMINEQ ANINGAASAATIT</b>	<b>2.393.304</b>	<b>1.980.089</b>
Aningaaserivinnut akiitsut	7.904	3.319
Nioqqutissat kiffartuussisuniillu pisiat	92.898	0
Akiitsut allat	155.540	236.412
Siusinnerusukkut akiliutit aammalu isertitat annertussusillit	0	100.000
<b>Piffissamut qanittumut akiitsoqarnissamut pisussaaffiit</b>	<b>256.342</b>	<b>339.731</b>
<b>Akiitsut pisussaaffiit</b>	<b>256.342</b>	<b>339.731</b>
<b>AKILIGASSAT</b>	<b>2.649.646</b>	<b>2.319.820</b>

# NAATSORSUERIAASEQ ATORNEQARTOQ

Ukiumoortumik 2025-imut nalunaarussiaq ukiumoortumik naatsorsuusiortarneq pillugu inatsimmi naatsorsuutit immikkoortiterneqarnerinut A-mut aalajangersakkat naapertorlugit saqqummiunneqarpoq.

Ukiumoortumik nalunaarussiaq siorna naatsorsueriaatsit atorneqartut atorlugit saqqummiunneqarpoq.

## Angusat naatsorsorneri Kaaviiartitat ilanngaasereerlugit

Ilaasortaannermut akiliutit ukiumut akiliiffiusussamut isertitatut ilanngunneqarput.

Aningaasaateqarfinit aningaasaliissutit, tapiissutillu ukiumi naatsorsuusiortifiusumi isertitanut ilanngunneqarput.

Suliniutinut aalajangersimasunut aningaasaliissutit ukiumi suliniutip ingerlanneqarnerani isertitatut ilanngunneqarput.

Peqataasut akiliutaat ukiumi pikkorisarnerup ingerlanneqarfiani isertitatut ilanngunneqarput.

**Avammut aningaasartuutit allat**  
Avammut aningaasartuutinut allanut tunisassiornermi, tuniniaanermi, tunniussinermi kiisalu aqutsinermut, aammalu nukissiuutinut, ussasaarnermut ininut isertitassatut annaasanut attartornermut il.il. aningaasartuutinut ilaatinneqarput.

## Sulisunut aningaasartuutit

Sulisunut aningaasartuutinut peqatigiiffiup sulisuisa akissarsiaat ajunngitsorsiasaat, sulinngiffeqarnermi ajunngitsorsiat, soraarnerussutisiat, AMA, kiisalu isumaginninnermut aningaasartuutit, aammalu peqatigiiffimmi sulisoqarnermut aningaasartuutit ilaatinneqarput.

## Aningaasalersuineri isertitat aningaasartuutillu

Aningaasalersuineri isertitanut aningaasartuutinullu erniatigut isertitat aningaasartuutillu ilaatinneqarput.

## Akileraararneq

Peqatigiiffik Kalaallit Nunaanni inatsit atuuttut malillugit akileraarneqsaatitaanngilaq.

## Oqimaaqatigiissitsineq Tigusassat

Tigusassat maannakkut naliusut nalanganut, annaasassatut naatsorsuutigisat naammassiniarlugit nalikillilinnernik ilanngaateqarfiusut, nalilerneqartarput.

## Aningaasat atoriaannaat

Aningaasat atoriaannaat uninngasutiginneqartut tassaapput aningaaserviimmi uninngasutiginneqartut.

## Piffissalersugaasumik inissimasuutit

Aningaasalersuineri aningaasanut attartukkanut aningaasartuutit akiliggassat, aningaasat atoriikkat ilanngaatigereerlugit naatsorsorneqarput. Piffissani tulliuuttuni ullormi akiitsut, piffissami pineqartumi erniat aallavigalugit pisussaaffiit naatsorsoneqassapput, taamaaliornikkut piffissap aningaasani attartorfusup iluanaarutivik aammalu ullormi killiffimmi nalinga ukiumoortumik naatsorsuutini nalilerneqarluni ilanngunneqassamat.

Aningaasalersuineri pisussaaffiit, pisarnerut ullormi naliusut nalinginnaasut amerlaqatigisaattut nalilerneqartarput.

## Piffissamut naatsorsuutit, akiitsut

Aningaasat piffissamut aalajangersimasumut naatsorsuutit akiitsussanut ilanngunneqartut tassaapput ukiumi matumani ukiullu tulliuuttut ingerlaneranni suliniutinut aningaasaliissutit.



## CSR GREENLAND-IMI ILAASORTAT 2025

Air Greenland, Arctic Import, Asiaq, Banknordik, BDO, Blue Water Shipping, Café Esmeralda, EMJ-Atcon, Godthåb Transport, Greenland Business School, Greenland Petroleum, Grønlands Erhverv, Grønlands Rejsebureau, Grønlands Revisionskontor, GrønlandsBANKEN, Hotel Arctic A/S, Hotel Sisimiut ApS, Hotel Sømandshjem Nuuk, Illit Forsikring, Illuut A/S, Ini A/S, Inu:It Kontorhuset, Inuili, Inuplan, Iserit A/S, Kalaallit Forsikring, Kalaallit Nunaanni Brugseni, KNI A/S, Kommuneqarfik Sermersooq, Mælkebøtten, Nalik Ventures, Nukissiorfiit, Nuna Advokater, Nunatta Atuagaateqarfia, Nuuk Water Taxi A/S, Permagreen Grønland, Peter Pars, Pisiffik A/S, Polar Seafood, Qalut Vonin, Rambøll Grønland, Relate People, Royal Arctic Line, Royal Greenland, Sikuki Nuuk Harbour, Stark Nuuk, Taseralik Sisimiut, Tusass, Ulo Rengøring, Vectrus, Vinslottet Grønland, Visit Greenland A/S, Visiobox